

Atuarfimmi pisortat perorsaanermi aqutsinissamut piffissaqarnerulernissaat anguniarlugu atuarfimmi allatsitut ilinniarnissamut periarfissaasut misissorneqarnissaanut Naalakkersuisut peqquneqarnissaannik Inatsisartut aalajangiiffisassaattut siunnersuut. Misissuinermi piginnaasatigut nukittorsaanissamut pisariaqartitsineq nassuiarneqassaaq, ilinniarneq sorleq tulluunnerunersoq, aningaasartuutissatut kingunerisassai aammalu ilinniarneq atuuereersuni ilinniarsinnaanngornissaq periarfissaanersoq. Misissuinermi kingusinnerpaamik UKA2021-mi saqqummiunneqartussamut soqutigisallit sammisamullu attuumassusillit ilanngunneqarniarsarissapput.
(Inatsisartunut ilaasortaq Nivi Olsen, Demokraatit)

pillugu

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarninnermini makku ilaasortarai:

Inatsisartunut ilaasortaq Nivi Olsen, Demokraatit, siulittaasoq
Inatsisartunut ilaasortaq Peter Olsen, Inuit Ataqtigiit, siulittaasup tullia
Inatsisartunut ilaasortaq Erik Jensen, Siumut
Inatsisartunut ilaasortaq Sofia Geisler, Inuit Ataqtigiit
Inatsisartunut ilaasortaq Doris Jakobsen Jensen, Siumut

UKA 2020-imi ulloq 4. novembari 2020-imi siullermeerinninnerup kingorna ataatsimiititaliap siunnersuut sukumiisumik misissorpaa.

1. Siunnersuutip imarisaa siunertaalu

Atuarfimmi allatsitut ilinniarnissamut periarfissaasut misissorneqarnissaa siunnersuummi siunertaavoq. Piginnaasatigut nukittorsaanissamut pisariaqartitsineq nassuiarneqassaaq, ilinniarneq sorleq tulluunnerunersoq, aningaasartuutissatut kingunerisassai aammalu ilinniarneq atuuereersuni ilinniarsinnaanngornissaq periarfissaanersoq misissuinermi

nassuiarneqassapput. soqutigisallit sammisamullu attuumassusillit ilanngunneqassapput misissuinermi kingusinnerpaamik UKA2021-mi saqqummiunneqartussamut.

2. Apeqquut

Siunnersuutip suliarineqarneranut atatillugu ataatsimiititaliap Ilinniartitaanermut, Kultureqarnermut Ilageeqarnermullu Naalakkersuisoq qinnuigaa apeqquutit arlallit akeqqullugit. Ataatsimiititaliap apeqquutai aamma Ilinniartitaanermut, Kultureqarnermut Ilageeqarnermullu Naalakkersuisup akissuteqaataasa assilineri isumaliutissiissummut matumunnga ilanngussatut ilanngunneqarput. Meeqqat atuarfianik nutarterinerup qaqugu naammassineqarnissaa naatsorsuutigineqarnissaalu Ataatsimiititaliap Naalakkersuisunut apeqquutaani pineqarput.

Tamanna sammineqarpoq isumaliutissiissutip immikkoortuani 3-mi.

3. Ataatsimiititaliap siunnersuummik suliarinninnera

Siunnersuut tunngaviatigut pitsaasumik ilassilluarneqarnera ataatsimiititaliamit maluginiarneqarpoq.

Siunnersuutip siullermeerneqarnerani Ilinniartitaanermut, Kultureqarnermut Ilageeqarnermullu Naalakkersuisoq allannguutissatut siunnersuuteqarpoq ima oqaasertaqartumik:

“Atuarfik pillugu Inatsisartut inatsisaata nutarterneqarnissaani tulliuuttumi suliamut ilagitillugu atuarfimmi pisortat perorsaanermi aqutsinissamut piffissaqarnerulernissaat anguniarlugu atuarfimmi allatsitut ilinniarnissamut periarfissaasut misissorneqarnissaannut Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermi ilinniakkatigut nukittorsaanissamut pisariaqartitsineq, ilinniarneq sorleq tulluunnerunersoq, aningaasartuutissatut kingunerisassat aammalu ilinniagaqarnerup ilinniarfinni atuutereersuni ilinniarsinnaanngornissaa periarfissaanersoq nassuiarneqassapput.”

Atuarfik pillugu Naalakkersuisut allannguutissatut siunnersuutiminni nutarterinissaannut siunnersuuteqartup siunnersuutaa ilaatinniarneqarmat ataatsimiititaliamit asuliinnaanngitsutut isigineqarpoq.

Ataatsimiititaliap nutarterinissamik Naalakkersuisut saqqummiussinissaat apeqquutigissallugu pissusissamisoorsoraa. Meeqqat atuarfiata misissorneqarnera marlunngorlugu piimaartoq, atuarfimmilu allatsitut ilinniarneq pillugu misissuineq immikkoortuata aappaani piimaartoq Naalakkersuisut akipput, UKA2021-milu imaluunniit UPA2022-imi Inatsisartunut saqqummiunneqarluni.

Naalakkersuisut akissuteqaammi saqqummiussinermi atuarfimmi allatsitut ilinniarnissamut periarfissaasut misissorneqarnissaa allannguutissatut siunnersuummi inassutigigaat

ataatsimiititaliap paasiniarpaa. Inatsisitigut tunngavissaq Naalakkersuisut takorusukkaat piumasariarlugu atuarfimmi allatsit ilinniaqqinnissaasut ataatsimiititaliamit paasineqarpoq. Tamatuma saniatigut ataatsimiititaliamit pingaartinneqarpoq ilinniaqqinnginnermi atuarfimmi allatsit qanoq sivisutigisumik atorfeqartariaqassanersut eqqarsaatigeqqullugu.

Taamaattumik ataatsimiititaliap paasinninneraa, atuarfimmi allatsit pisuffaaffigalugu ilinniarteqqinnginneranni isumaqatigiissutitigut pissutsit assigiinngitsut misissorneqartariaqartut.

Taamaattumik ataatsimiititaliap paasinninnera atuarfimmi allatsi pikkorrisoq atuarfimmi allaffisornikkut suleqataasinnaasoq pitsaassutsimut sunniuteqarluartoq, tassami atuarfimmi allatsip atuarfiup pisortaa atuarfimmi sulisunik allanik aqutsinermut suliassanik suliaqarnissaanut piffissaqalersissammagu.

Pikkorissaaneq atuarfimmi allatsinut sammitinneqartoq 2021-imi upernaakkut periarfissaajumaartoq Naalakkersuisut akissutaanni allassimavoq. Tamanna pillugu paasissutissanik ataatsimiititaliap Naalakkersuisut piumasimavaa. Pikkorissarneq pillugu nassuiaat malitsigisaanik ataatsimiititaliap tigusimavaa. Ilinniarneq modulinik katitigaasoq, modulinillu sisamanik imaqartoq, taakkunanga modulit 1-3 ullunik pingasunik tamarmik immikkut sivisussuseqartut, naggataarutaasumillu modulit 4 naggataarutaasoq ullut pingajuat affarmik sivisussusilik ataatsimiititaliap maluginiarpaa. Kalaallisut pikkorissarneq annersumik ingerlanneqassaaq, atuarfimmilu allatsit suliffimmini ilinniakkatik modulit akornanni ingerlallugit suliariumaaraat ilimagineqarpoq.

Matumani atuarfimmi allatsit tunngaviusumik ilinniagaq pineqarani pikkorissarneq pineqartoq ataatsimiititaliap isumaqarpoq.

Naalakkersuisut akissutaat tunngavigalugu ataatsimiititaliap paasivaa kommuni kujallermit atuarfimmi allatsit ilinniagaq ujartorneqarsimasoq. Pisariaqartitsinerlu Ledelsesakademimit misissuiffigineqalermat kommunit arlallit taamatut kissaateqarnertik ersersissimavaat, tamannalu tunngavigalugu pikkorissarneq pilersinneqarsimavoq.

Atuarfimmi allatsit ilinniagaq kommuninit arlalinnit kissaatigineqarsimammat, atuarfimmi allatsit pinngitsoorani pikkorissaqqittarnissaq pillugu misissuinissaq pisariaqartoq ataatsimiititaliamit inernilerneqarpoq.

4. Siunnersuutip aningaasaqarnikkut kingunerisassai

Inatsisartut suleriaasianni takuneqarsinnaavoq § 33, imm. 1-imi, aalajangiiffigisassaattut siunnersuutit aningaasatigut allaffisornikkullu kingunerisassai allaaserineqarsimassasut.

Ataatsimiititaliap maluginiarpa siunnersuutip piviusunngortinneqarnerani aningaasaqarnikkut allaffissornikkullu kingunerisassai pillugit piumasaqaataasut malillugit ersarissarsimagaat. Taamaasillugu takuneqarsinnaavoq sulinermi AC-mik ukiumut atorfeqartitsinertut 500.000 koruunitut nalilerneqartoq. Ataatsimiititaliaq tamatuminna nalornissuteqassalluni pissutissaqanngilaq.

5. Ataatsimiititaliap inassuteqaatai

Siunnersuutaaqqaartoq **akuersissutigineqassasoq** ataatsimiititaliamit isumaqatigiittumit inassutigineqarpoq.


Taamatut oqaaseqarluni isumaliutissiisummilu allassimasutut paasinnillutik matumuuna siunnersuut ataatsimiititaliap aappassaaniigassanngortippaa.




Nivi Olsen
Siulittaasoq



Peter Olsen
Siulittaasup tullia



Erik Jensen



Sofia Geisler



Doris Jakobsen Jensen



Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliaq

Una pillugu: UKA2020/57 pillugu allakkatigut apeqquteqaatit

17-11-2020
Sagsnr. 2020-17835
Dok. nr. xxxxxxxx

Asasakka Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliami ilaasortat.

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Atuarfimmi allatseqalernissamik misissuinissamut tunngatillugu ullormut
oqaluuserisassap UKA2020/57-ip oqaluuserineqarneranut ataatsimiititaliap
apeqqutaanut qujavunga.

Matuma kinguliani apeqqutigineqartut allaqperiarlugit taakkununga akissutigisakka
malitsigitiinnarlugit allappakka.

1. Meeqqat atuarfianik nutarterinerup Inatsisartunut saqqummiunneqarnissaa
qaqugu naatsorsuutigineqassava?

Akissut:

Naalakkersuisut meeqqat atuarfiata inatsisaa nutarterneqarnissaa aallartereerpaat.
Nutarterineq marlunnik immikkoortoqarpoq.

Allannguutissat immikkoortoq 1-imiittut tassaapput Inatsisartuni
suliarineqariaannangorsinnaasut. Allannguutissat taakkua maanna suliarineqarput.

Allannguutissat immikkoortoq 2-miittut tassaapput misissuiffigeqqaagassat,
oqallisigeqqaagassat nalilersoqqaagassallu, taamaammallu piffissamik atuiffiusussat.

Naalakkersuisut immikkoortup 1-ip UPA 2021-imi siullermeerneqarnissaa anguniarpaat,
immikkoortullu 2-p aatsaat UKA 2021-imi imaluunniit UPA 2022-imi
saqqummiunneqarnissaa naatsorsuutigineqarsinnaavoq. Meeqqat atuarfianni
allatseqalernissaanik apeqqut immikkoortumi 2-mi suliarineqassasoq
naatsorsuutigineqarpoq.

2. Atuarfimmi allatsit ilinniarnissamut periarfissaasut misissorneqarnissaanut
taaneqartumut saqqummiussisup allakkiartaanut atortut Naalakkersuisut
qinnuigineqarput nassuteqqullugit.

Akissut:

Ilinniarnerpup pileriarturnera naatsumik oqaatigalugu

2019-ip aallartinnerani Pisortatut Ilisimatusarfik meeqqat atuarfianni allatsit
ilinniagaqarneq pillugu Kommune Kujallermit saaffigineqarpoq. Pisortatut
Ilisimatusarfiup ilinniarnermik tassannga pisariaqartitsineq misissorpaa, tassuunakkullu
paasinarsivoq kommunit arlaqartut meeqqat atuarfianni allatsit ilinniarnermik
pilertsisoqarnissaanik kissaateqartut. Meeqqat atuarfianni allatsit ilinniarnissaq 2019-
imi 2020-illu aallartinnerani ineriartortinneqarpoq, ilaatigut Kommune Kujallermit
atuarfimmup pisortaarfik suleqatigalugu.

Meeqqat atuarianni allatsitut ilinniarnepur allaatigineqarnera akissuteqaammut matumunnga ilanngunneqarpoq.

Inussiarnersumik inuulluaqqusilluta



Katti Frederiksen

Ilinniartitaanermut, Kultureqarnermut Ilageeqarnermullu Naalakkersuisoq

Ilinniarnep siunertaa

Ilinniarnep siunertaraa atuarfiup allattaata suliamut aammalu inuttut piukkussarnissaa, matumani siunertarineqarluni atuarfiup pisortaasa allaffissornikkut oqilisaanneqarsinnaanissaat, taamaasilluni atuarfimmi aqutsisut pisortat iluini atuarfiup ineriartortissinnaanissaanut suliassatigut aallussinissaminnut sakkussaqrnerulissallutik.

Peqataasut allaffimmi suliassat assigiinngitsorpasut pillugit paasisimasaat annertusarneqassaput. Kiffartuussineq pitsaasoq ilinniarlugu, attaveqaqatigiinneq nukittorsarlugu, aaqqiagiinnginnermi aaqqiissutigisinnaasat pillugit sakkussanik ilinniarluni, kiisalu modulini sisamani ilinniarnep aaqqissuusaanera malillugu qulequttat assigiinngitsorpasut siammasissumik suliarilerumaakkat ilinniarneqarlutik.

Atuarfimmi allatsitut ilinniarnep aaqqissuusaanerani modulit atuagarsornerusut sulilerneruilu suliassaasut ataqatigiisillugit ingerlanneqarnissaat, kiisalu sulinermi attuumassutillit atuarnermi qimerloorsinnaallugit iluaqutiginissaat ukkatarineqarpoq.

Atuarfimmi allatsitut sulinermi pingaarutillit ilagaat ilinniartitsisut attaveqaqatigilluarsinnaanissaat, angajoqqaat, ilinniartut imaluunniit allatigut atuarfiup pisortaannut saaffiginnittut. Taamaattumik allattarsornikkut aammalu oqaatsitigut attaveqaqatigiinneq suliffimmut annertuumik ilaavoq, matumani allatsip suliamut inuttullu piginnaasaanut piumasaqarfiulluni.

Ilinniakkami anguniarneqartoq

Ilinniarnep naammassereernerani peqataasut allaffissornikkut suliassarititaasut atuarfiup pisortaanit allaffissornikkut akisussaaffeqarfiinit tunniunneqartussat akisussaaffigisinnaangorsimassavaat.

Taassuma saniatigut pikkorissartut inuttut piukkunnarsarneqassaput, pilersaarusiorsinnaanermut, attaveqaqatigiissinnaanermut, suleqatigiissinnaanermut, ataatsimut isigalugu annertunerusumik akisussaaffimmik tiguisinnaanermut, kiisalu attaveqaqatigiinnermi peqataasinnaanermut.

Ilinniarnep modulinit sisamanut inississugaavoq. Modul 1-miit 3-mut ullunik pingasunik sivissuseqassaaq modulillu naggataat ulluni marlunni affarmilu sivissuseqassalluni. Modulit akorngini peqataasut sulinerminni atuagarsornikkut sulinermi ilikkakkatik suliffimminni suliarisassavaat.

Ilinniarnep sulinermit tunnganertaa modulit akornganni ingerlanneqartussaq, atuarfimmi allatsitut atorfimmi suliassat aallaavigalugit ingerlanneqassaaq, matumani peqataasup atuarfimmi aqutsisoq qanimut suleqatigalugu ilinniarnep ingerlanera ilutigalugu ineriartussalluni. Projektit modulit akornanniittut ineriartornissamut, - imaluunniit pitsanngorsarnissamut suliniutaapput atuarfiup allatsiatut atorfimmut tulluussagaasut, kiisalu inaarutaasumik projektit saqqummiunneqassallutik.

Ilanngussat ilaat atuarnermi atuagassaasut danskisoorsinnaanerinit piginnaatilluta, atuarneq kalaallisut ingerlanneqassaaq.



Atuarfiit allattaannut ilinniartitaaneq
Skolesekretæruddannelsen

februar 2020

Eqimattat marluk pilersinneqarsinnaappata, taakku eqimattat Kalaallit Nunaata Avannaani- aammalu Kujataani immikkut ingerlanneqarnissaat pilersaarutigineqassaaq.

Atuarfimmi allatsitit ilinniarnermi atuagarsornikkut ilisimasat kiisalu sulinermi suliassarititaasut illugiimmik ingerlanneqarsinnaanissaat siunertarineqarpoq. Taamaasilluni peqataasut ilinniarnermi piffissap ingerlanera tamaat ulluinnarni suliaminnut atatillugu sakkussat nutaat atorsinnaalernissaat anguniarlugu.

Paasissutissat

Annertunerusumik paasisaqarniaruit ataani allassimasoq attavigineqarsinnaavoq

Pisortatut Ilisimatusarfik | Ledelsesakademiet

Kujallerpaat 11

3900 Nuuk

Tlf.: 38 25 90

E-mail: kursus@ninuuk.gl